

i FLETUDHËZUES I PAKETIMIT:
Informacion për përdoruesin

NAFAZOLINE

Tretësisirë me spraj për hundë –
1 mg / ml (0.1%)
(Nafazolinë nitrat)

Lexojeni me kujdes këtë fletudhëzues përpara se të filloni përdorimin e barit.

- Ruajeni këtë fletudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore përkeqësohet ose në qoftë se vëreni ndonjë efekt tjetër anësor, që nuk përmendet në këtë fletudhëzues, ju lutemi të njoftoni mjekun ose farmacistin tuaj.

Në këtë fletudhëzues:

1. Çfarë është Nafazoline dhe përse përdoret
2. Përpara se të përdorni Nafazoline
3. Si ta përdorni Nafazoline
4. Efekte anësore të mundshme
5. Si ta ruani Nafazoline
6. Informacion i mëtejshëm

1. ÇFARË ËSHTË NAFAZOLINE DHE PËRSE PËRDORET

Nafazoline përmban lëndën aktive nafazolinë nitrat, e cila është një agonist i receptorëve α-adrenergjikë. Ajo nxit kryesisht receptorët-α2 dhe në një shkallë më të vogël receptorët-α1. Në këtë mënyrë ajo shkakton ngushtim të arteriolave dhe të sfinkterëve të parakapilarëve, duke ulur rrjedhjen e gjakut në mukozën e hundës dhe në sinusoidet e erektuar. Për shkak të ngushtimit të arteriolave të sinusoidëve të erektuara, ulet kongjestionin i membranës mukoze të hundës dhe rezistenca nazale, ndërsa rrjedhja e ajrit përmes hundës, rritet. Si rezultat i uljes së sasisë së gjakut në membranën mukoze të hundës, rritet diametri i qafës së sinuseve paranazale (përmirësohet aftësia për t'u tharë). Membranat mukoze bëhen më pak edematoze e kështu ndjesia e kongjestionit të hundës tek i sëmurit është më pak e shprehur.

Nafazolina e përdorur lokalisht (në mukozën e hundës) përthithet shpejt; fillimi i veprimit shfaqet brenda 5 minutash, kurse efekti zgjat 2 deri në 6 orë. Nafazoline përdoret për trajtimin simptomatik të të gjitha formave të rinitit dhe sinuzitit; inflamacione të veshit të mesëm (dekongjestionim i gypave të Eustakit); hemorragji nga hundët (epistaksis); përgatitje për ekzaminime rinologjike dhe ndërhyrje kirurgjikale (si shtesë e anesteziqëve lokale).

2. PËRPARA SE TË PËRDORNI NAFAZOLINE

Mos përdorni Nafazoline në qoftë se:

- keni mbindjeshmëri ndaj nafazolinë nitratit ose ndaj ndonjërit prej përbërësve të tjerë të Nafazoline;
- vuani nga glaukoma me kënd të ngushtë.

Nafazoline nuk duhet të përdoret tek fëmijët.

Tregoni kujdes të veçantë me Nafazoline

Pyesni mjekun tuaj përpara se të përdorni Nafazoline. I sëmurit duhet paralajmëruar që mjekimi të mos zgjasë më shumë se 5 ditë. Në qoftë se është i nevojshëm një mjekim më afatgjatë, ai mund të vazhdohet pasi të ketë kaluar një interval prej 3 deri 5 ditësh pa mjekim.

Nafazoline duhet përdorur me kujdes:

- në të moshuarit;
- në të sëmurët me hipertension arterial ose me sëmundje të tjera kardiovaskulare;
- në të sëmurët me diabet;
- në të sëmurët me hipertiroidizëm;
- në të sëmurët me hipertrofi të prostatës.

Marrja e barnave të tjera

Trajtimi i njëkohshëm me barna të tjera mund të ndikojë ose të ndikohet nga Nafazoline.

Ju lutemi të kontaktoni me mjekun ose farmacistin tuaj në qoftë se jeni duke marrë / përdorur ose keni marrë / përdorur kohët e fundit barna të tjera, përfshirë ato të marra pa recetë. Mos harroni të informoni mjekun tuaj për trajtimin me Nafazoline në qoftë se ju jepet ndonjë bar tjetër gjatë trajtimit.

Është veçanërisht e rëndësishme që mjeku juaj të jetë në dijeni të faktit që ju jeni trajtuar me:

- antidepresivë triciklikë;
- maprolinë;
- inhibitorë të monoaminoksidadës (IMAO).

Këto barna rrisin efektin presor të nafazolinës.

Përdorimi i Nafazoline me ushqim dhe pije

Nuk njihet ndonjë pasojë e Nafazoline kur përdoret me ushqim ose me pije.

Shtatzënia

Kërkoni këshillën e farmacistit ose të mjekut përpara se të përdorni këtë bar.

Të evitohet përdorimi.

Ushqyerja me gj

Të evitohet përdorimi.

Drejtimi i automjetit dhe përdorimi i makinerive

Nuk ka të dhëna mbi ndikimin e Nafazoline në aftësinë për të drejtuar automjetin, megjithatë duhet treguar kujdes derisa të shihni mënyrën sesi ajo vepron tek ju.

Informacion i rëndësishëm për disa nga përbërësit e Nafazoline

Nafazoline përmban:

- 0.1 mg klorur benzalkoni në çdo 1 ml tretësisirë; kloruri i benzalkonit mund të shkaktojë irritim ose enjtje në brendësi të hundës, sidomos nëse përdoret për një kohë të gjatë; ai mund të shkaktojë gjithashtu edhe fishkëllimë gjatë frymëmarrjes dhe vështirësi në frymëmarrje (bronkospazmë), sidomos nëse vuani nga astma.

3. SI TA PËRDORNI NAFAZOLINE

Gjithmonë përdoreni Nafazoline sipas këshillës së mjekut.

Në qoftë se nuk jeni i sigurt, kontaktoni me mjekun ose farmacistin. Në qoftë se ndjeni që efektet e Nafazoline janë shumë të forta ose shumë të dobëta, flisni me mjekun ose farmacistin tuaj.

Për trajtimin e kongjestionit nazal (të rriturit) përdoret 1 spraj në secilën vrimë hunde, 2 - 3 herë në ditë. Hemorragjia nga hundët (të rriturit): një tampon pambuku njomet me tretësisirë Nafazoline 0.1% që futet në vrimën e hundës, ku mbahet për 2 deri 5 minuta. Nafazoline nuk duhet administruar më shpesh se çdo 4 - 6 orë.

Në qoftë se keni përdorur më shumë Nafazoline

Në qoftë se keni përdorur më shumë Nafazoline se sasia që duhet të përdorni, ose në qoftë se fëmijët e kanë përdorur gabimisht këtë bar, ju lutemi të kontaktoni mjekun tuaj, spitalin, ose të telefononi urgjencën për të marrë një mendim për rezikun dhe këshillë për veprimet që duhet të ndërmerren.

Simptomat e mbidozimit mund të përfshijnë: ulje temperaturë, përgjumje, bradikardi.

Në qoftë se harroni të përdorni Nafazoline

Në qoftë se harroni një dozë (ose më shumë doza), përdorni dozën në vazhdim kur të jetë koha për përdorimin e zakonshëm të saj. Mos përdorni një dozë të dyfishtë (ose më të lartë) për të plotësuar dozën (dozat) e harruar(a). Në qoftë se keni pyetje të mëtejshme mbi përdorimin e këtij bari, pyesni mjekun ose farmacistin tuaj.

4. EFEKTE ANËSORE TË MUNDSHME

Si të gjitha barnat e tjera, Nafazoline mund të shkaktojë efekte anësore, megjithëse jo çdokush i manifeston. Pjesa më e madhe e efekteve anësore janë të lidhura me dozën dhe zhduken kur doza reduktohet ose trajtimi ndërpritet. Disa efekte anësore mund të ndodhin në fillim të trajtimit dhe zhduken në mënyrë spontane me vazhdimin e mjekimit.

Pas përdorimit të Nafazoline mund të shfaqet:

- irritim i përkohshëm i mukozës;
- dhimbje me djegie;
- kongjestion i përsëritur (efekti rebound);
- thumbim,
- teshtitje,
- ndjesi e tharjes së mukozës.

Përdorimi afatgjatë mund të shkaktojë:

- hiperemi reaktive;
- rinit atrofik;
- varësi ndaj barit.

Pas përdorimit lokal janë raportuar edhe efekte sistemike të tilla si: nauze, dhimbje koke dhe marrje mendsh.

Në qoftë se ndonjë prej efekteve anësore përkeqësohet, ose në qoftë se vëreni efekte anësore që nuk përmenden në këtë fletudhëzues, ju lutemi të lajmëroni mjekun ose farmacistin tuaj.

5. SI TA RUANI NAFAZOLINE

Ruajeni në paketimin origjinal në një temperaturë 10° - 25°C. Ruajeni nga drita dhe lagështia. Mos e përdorni pas datës së skadencës. Mbajeni larg fëmijëve. Bari juaj mund t'i dëmtojë ata.

6. INFORMACION I MËTEJSHËM

Çfarë përmban Nafazoline

Lënda aktive është nafazolinë nitrat.

1 ml tretësisirë me spraj për hundë përmban 1 mg nafazolinë nitrat.

Përbërësit e tjerë janë: acid borik, klorur benzalkoni, mentol, alkol etilik, ujë për injeksion.

Përbajtja e paketimit

Kuti me një shishe plastike 10 ml të pajisur me pompë sprucimi.

Mbajtësi i Autorizimit për Tregtim dhe Prodhuesi:



PROFARMA sh.a.,
Rruga "Skënder Vila",
Tiranë, Shqipëri.
Tel.: +355 4 23 89 602

Ky fletudhëzues u rishikua për herë të fundit në Dhjetor 2023.

 SPECIFICATION

 CROPING AREA 12 x 19 cm

PAY ATTENTION, all the layers are visible. If you have to print this document please check or uncheck the specific layers.